

Protocol no. 87
Sezzüda da lündeschdi, 31 schner 2011, 20.00 – 21.55

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 86 da la sezzüda dals 24 schner 2011 vain approvà.

752 810.435 Vendita da laina
Dumonda da la SELVA a regard la resgia a Domat

La SELVA dumonda als cumüns sch'els füssan da princip prunts da furnir in avegnir laina oura Domat e da contribuir ün import simbolic tanter fr. 1'000.-- fin fr. 5'000.--. La proposta dal silvicultur e dal schef da god es seguaintamaing:

1. Furniziun l'on: 500 m3
2. Contribuziun: fr. 1'000.--

Il Cussagl cumünal decida da seguir a la proposta.

753 300.365.50 Contribuziuns e donaziuns diversas
Dumonda da contribuziun – Biblioteca cumünala

La biblioteca cumünala po quist on festagiar lur giubileum da 30 ons. La biblioteca organisescha per quist' occasiun d'ürant l'on divers arrandschamaints. Il preventiv muossa sü ün deficit da fr. 3'500.--. Il Cussagl cumünal decida da conceder per quista occurrenza unica fr. 2'000.--. Il Cussagl cumünal remarcha chi gnia fatta da la biblioteca biera lavur gratuita pel böñ da la scoula, dals giasts e da la populaziun.

756 740 SUNTERI E SEPULTÜRAS
Permiss per metter giò ün' urna

Tenor artichel 7 dal reglamaint da sepultüra e da sunteri es entrada üna dumonda da pudair sepulir ün'urna i'l sunteri da Sent. La trapassada es creschüda sü ed ida a scoula a Sent. Il Cussagl cumünal decida da conceder il permiss. Ils cuosts per la sepultüra as drizzan tenor art. 1 (punct 2) da l'uorden da taxas da sepultüra.

Taxa da trattamaint: fr. 50.--

757 020 ADMINISTRAZIUN CUMÜNALA
Plazza chanzlist

Il Cussagl cumünal repassa e rediga l'inserat per la piazza dal chanzlist(a) il qual vain prossmamaing publichà illas medias.

L'actuar: